



M. Ant. Mvreti Variarvm Lectionvm Libri XV

Muret, Marc-Antoine

Antverpiæ, M. D. LXXXVI.

Cap. 17. Proverbium quoddam ab illo scriptore qui tam multa alia collegit,
prætermissum.

[urn:nbn:de:hbz:466:1-70864](https://nbn-resolving.de/urn:nbn:de:hbz:466:1-70864)

Hos è quarto Æneidos versus Seruius Grammaticus oscitanter interpretatus est; ita enim scribit: *Trabit hoc de Alcesti Euripidis, qui inducit Mercurium ei comam secantem, quia fato peribat mariti.* Sed apud Euripi-
dem nulla prorius, hac quidem in re, Mercurij men-
tio est. Introducit quidem Mors, quæ se venisse ait,
ut illi optimæ mulieri crinem fecet: neque tamen id
fieri ait, quod illa mariti fato peritura esset. quin osten-
dit, eum secari solitum eis omnibus quibus fatalis ad-
venisset dies. Vniuersè enim pronunciat, eum sacrum
esse diis manibus, cuius ipsa crinem hasta libauerit. ita
enim loquitur:

Στέψας δ' ἐπ' αὐτὸν, ὃς κατέρχεται μου ξίφος.

Ισός γδέ τοι τῷ καὶ χθονὸς θεῷν,

Οτε τόδε ἔγχος κρατεῖς ἀγνῶν τείχος.

Hæc igitur apud Euripedem ὁ Θάνατος loquitur: qui
tamen illic quoque, librariorum vitio, falso esse puta-
tur Charon.

Prouerbium quoddam ab illo scriptore qui tam multa alia
collegit, praetermissum. C. A. P. xvi.

MULTÆ ac variæ lectionis hominem, qui me-
moria nostra ex vtriusque linguae scriptoribus
tantam vim collegit prouerbiorum, fugere quædam, &
quidem illustri in primis loco sita: quod quidem mihi
non nunquam peruideri mirum solet. Nam, si omissa
essent, quæ vel è ratis inuentu, vel obscuris & ignobili-
bus libris petenda erant, minus mirum foret: at verò
præterita esse, quæ & in promptu posita sunt, & apud
præstantissimos auctores leguntur, id verò iustum, vt
opinor, admiratione habet. Ex hoc numero est, quod
apud Ciceronem legitur, *familiam ducere.* eo enim pro-
verbio homo eloquentissimus vtitur, cùm præcipuum

G 5 aliquid

Muret.

Lectiones

LII

75

aliquid significat, quodque principem in re quapiam obtineat locum. Ter autem ad me legere memini. Primum in epistola qua C. Trebatium Testam commendat Cefari. nam cum eum multis laudibus affectaret, ad postremum addit. Accedit etiam, quod familiam dicit, in iure ciuili singularis memoria, summa scientia. quibus verbis significauit, hanc primam & praecipuum Trebatij esse laudem: ceteras ei cum multis fortasse communes: hoc esse ipsius pene proprium bonum. Deinde libro quarto De Finibus: ubi Catonem alloquens: Sed primum illud, inquit, vide: gravissimam illam vestram sententiam, que familiam ducit, honestum quod sit, id esse solum bonum, honesteque vivere, honorum finem communem fore vobis cum omnibus, qui in una virtute constituunt finem beatorum. Et quinta oratione in Antonium: Lucius quidem frater eius, viptote qui peregrinatus, familiam ducit.

In honorum comparatione diffensio inter Platonem & Aristotelem indicata. C A P . X V I I .

INTER multas ac varias bonorum divisiones quas ab antiquis sapientibus accepimus, haec quoque tradita est. Bonorum pars in suapte tantum vi expetit: neque usquam aliud referri: alia & per se, & aliorum causa, quae ex ipsis efficiantur: nonnulla etiam, cum in se nihil expetendum habeant, aliorum modo gratia amari. Primi generis est voluptas. neq. enim eam proprius aliud expetimus, ipsa per se, à quocumq. sentiri potest, ei desiderium incutit sui. in secundo ordine sensus collocari licet, quos & per se, & propter vitæ commoditates diligimus. sed & valetudinis ac virium firmitatis cundem in numerum coniici potest. Tertiæ, ut ita dicimus,